

শিক্ষকদের প্রাইভেট পড়ানো নিষিদ্ধ করা হবে

॥ প্রফুল্ল কুমার ভট্ট ॥

সরকারী এবং সরকারী অনু-
দানপ্রাপ্ত শিক্ষা প্রতিষ্ঠানের শিক্ষক-
দের জন্য প্রাইভেট পড়ানো নিষিদ্ধ
করা হবে। এই ব্যাপারে সরকারী
মহলে চিন্তাভাবনা হচ্ছে। সর্ব-
নিম্ন থেকে সর্বোচ্চ পর্যায়ের শিক্ষা
প্রতিষ্ঠানের ক্ষেত্রে এ সিদ্ধান্ত
কার্যকর করা হতে পারে বলে
শিক্ষা মন্ত্রণালয়ের একটি দায়িত্ব-
শীল সূত্রে জানা গেছে।

গতকাল বুধবার সকালে

বাংলাদেশ সচিবালয়স্থ কার্যালয়ে
শিক্ষা প্রতিমন্ত্রী নিতাই রায় চৌধু-
রীর সঙ্গে আলাপ করা হলে
তিনি জানান : এ ব্যাপারে একটি
সিদ্ধান্ত নেয়ার সময় এসেছে।
কারণ শিক্ষার মান অনেক নীচে
নেমে গেছে। এক শ্রেণীর শিক্ষক
শিক্ষাকে পণ্যের মতো বিক্রি
করছেন। অপরদিকে কতিপয়
ব্যক্তির হাতে শিক্ষা জিম্মি হয়ে
পড়েছে। সাধারণ মানুষের ছেলে-
(শেষ পৃ: ৫-এর ক: দ্র:)

প্রাইভেট পড়ানো (১ম পাতার পর)

মেয়েদের জন্য শিক্ষার দ্বার বন্ধ
হয়ে যাচ্ছে বলে তিনি উল্লেখ
করেন।

শিক্ষকদের বেতন তুলনা-
মূলক কম, তারা প্রাইভেট পড়িয়ে
বাড়তি কিছু রোজগার করেন।
এই দুমূল্যের বাজারে সে সুযোগ
থেকে বঞ্চিত করা হলে তাদের
অসুবিধা হবে--এই বক্তব্যের
জরাবে প্রতিমন্ত্রী বলেন: সমমানের
চাকরিজীবীদের চেয়ে শিক্ষক-
দের বেতন এবং সুযোগ-সুবিধা
আজ আর কম নয়।

চিন্তা-ভাবনার পটভূমি

সকালে বিকেলে এক শ্রেণীর
শিক্ষক এতো বেশী প্রাইভেট পড়ান
যে, ক্লাসে গিয়ে তাদের আর
পড়ানোর উৎসাহ থাকে না।
উপরন্তু কোন ছাত্র-ছাত্রীর জন্য
যদি সংশ্লিষ্ট শিক্ষা প্রতিষ্ঠানের
শিক্ষককে প্রাইভেট পড়ানোর জন্য
নিয়োগ না করা হয়, তাহলে
তাদের পক্ষে যে কোন পর্যায়ের
পরীক্ষায় ভাল রেজাল্ট করা
অসম্ভব হয়ে পড়ে। কোন ভাল
শিক্ষা প্রতিষ্ঠানে ছেলে-মেয়েকে
ভর্তি করতে হলে ওই শিক্ষা
প্রতিষ্ঠানের কোন শিক্ষককে
পূর্বাঙ্কে প্রাইভেট পড়ানোর জন্য
নিয়োগ করা একপ্রকার নিয়ম
হয়ে গেছে। এসব অভিযোগের
পরিপ্রেক্ষিতে সরকারী ও সর-
কারী অনুদানপ্রাপ্ত শিক্ষকদের
জন্য প্রাইভেট পড়ানো নিষিদ্ধ
করার উদ্যোগ নেয়া হয়েছে
বলে শিক্ষা মন্ত্রণালয়ের একটি
দায়িত্বশীল সূত্রে জানা গেছে।
বিষয়টি নিয়ে ইতিমধ্যে শিক্ষা
মন্ত্রণালয়ের উচ্চ পর্যায়ে কয়েক
দফা বৈঠকও হয়েছে। শিগ-
গিরই এ ব্যাপারে একটি কার্যকর
পদক্ষেপ নেয়া হবে বলে ওই
সূত্রে থেকে জানা যায়।